



**Javni poziv za izražavanje interesa za mala i srednja
preduzeća s područja regija SERDA i REDAH, te općina
Srebrenica, Bratunac i Milići za učešće u projektu Lanci
vrijednosti za zapošljavanje (LVZ)**

Opće informacije

UNDP-ov projekat Lanci vrijednosti za zapošljavanje (LVZ) poziva sva zainteresirana mala i srednja preduzeća (MSP), sa područja regija SERDA¹ i REDAH², te općina Srebrenica, Bratunac i Milići, koja ispunjavaju uvjete i bave se proizvodnjom i preradom voća, proizvodnjom i preradom povrća, te proizvodnjom i preradom mlijeka, da učestvuju u projektu LVZ.

Ukupni cilj ovog javnog poziva je odabrati najmanje 15 malih i srednjih poduzeća, te poboljšati njihovu konkurentnost i prodor na tržište. Predložene projektne aktivnosti su osmišljene u cilju pružanja tehničke podrške koja se može sastojati od nabavke sredstava, razvoja novih proizvoda, poboljšanja kvalitete i dizajna postojećih proizvoda, raznih vrsta obuke, certificiranja, boljeg upravljanja kvalitetom i identifikacije tržišnih prilika s ukupnim ciljem promocije rasta i ulaganja u mala i srednja preduzeća. Odabrana MSP će dobiti pomoć koja će se dodjeljivati u skladu sa njihovim identificiranim potrebama i u okviru raspoloživih projektnih sredstava. Odabrana MSP također će imati koristi od najnovijih istraživanja tržišta koja će se provoditi za nekoliko regionalnih i međunarodnih tržišta, te analize nedostataka u poslovanju za sve korisnike projekta. Prioritet će se dati onim MSP-ima koja su spremna ulagati u poboljšanje vlastitog poslovanja, te finansijski učestvovati u investiciji. Nepotpune prijave potencijalnih kandidata se neće uzimati u obzir.

Kriteriji za prijavu

Prijaviti se mogu preduzeća koja se bave proizvodnjom i/ili preradom voća, povrća i mlijeka, a koja su registrovana na području regija SERDA i REDAH, te općina Srebrenica, Bratunac i Milići, odnosno, koja posluju najmanje dvije kalendarske godine (2008., 2009.god.) i komercijalno su uvezani s nizom drugih MSP i mikro-proizvođača (individualnih poljoprivrednika).

Podnošenje prijava i krajnji rok

Projekat LVZ poziva sva MSP koja ispunjavaju uslove da se odazovu na ovaj Poziv za izražavanje interesa. **Smjernice za podnosiocima prijava i obrazac za prijavu** se mogu dobiti putem sljedeće email adrese: registry@undp.ba ili direktno preuzeti s web stranice www.undp.ba pod linkom Tenders, odnosno lično preuzeti na navedenoj adresi.

Sve prijave (molimo koristite isključivo obrasce za prijavu projekta LVZ) potrebno je dostaviti u zatvorenoj koverti na adresu UNDP-a **najkasnije do 12.03.2010.godine (petak), do 12:00 sati**:

UNDP

**Maršala Tita 48 (prvi sprat)
71000 Sarajevo
Bosna i Hercegovina**

Za sve dodatne informacije i pojašnjenja tokom perioda podnošenja prijava, podnosioci zahtjeva mogu direktno uputiti pitanja, upite i zahtjeve u pisanoj formi na broj faksa +387 33 552 330 ili e-mail registry@undp.ba. Vaša pitanja će biti zabilježena i odgovori će Vam biti prosljeđeni u pisanoj formi. Vaša pitanja i odgovori će automatski biti na raspolaganju drugim potencijalnim podnosiocima zahtjeva.

¹ Općine/opštine regije SERDA: Breza, Centar, Čajniče, Foča, Foča-Ustikolina, Fojnica, Goražde, Hadžići, Ilidža, Ilijaš, Istočna Ilidža, Istočni Stari Grad, Istočno Novo Sarajevo, Kalinovik, Kiseljak, Kreševo, Novi Grad, Novo Goražde, Novo Sarajevo, Olovo, Pale, Pale Prača, Rogatica, Rudo, Sokolac, Stari Grad, Trnovo, Trnovo RS, Vareš, Visoko, Višegrad, Vogošća.

² Općine/opštine regije REDAH: Berkovići, Bileća, Čapljina, Čitluk, Gacko, Grude, Istočni Mostar, Jablanica, Konjic, Kupres, Livno, Ljubinje, Ljubuški, Mostar, Neum, Nevesinje, Posušje, Prozor-Rama, Ravno, Stolac, Široki Brijeg, Tomislavgrad, Trebinje.